

# ZAPISNIK SA "FORUMA GRAĐANA" BRČKO DISTRIKTA BIH

Opština: Brčko distrikt BiH

Mjesna zajednica: MZ „Ilička“ Brčko distrikt BiH (objekat MZ, mjesto održavanja foruma)

Datum: 12.05.2019. godine

Vrijeme: 18h

Ukupan broj prisutnih: 45 učesnika iz reda građana i 5 predstavnika JLS (priloženi spisak prisutnih je sastavni dio ovog zapisnika)

## DNEVNI RED

1. Upoznavanje građana sa Javnim pozivom UNDP-a
2. Problemi u lokalnoj zajednici/određivanje prioriternih projekata
3. Razno

## Sažetak donesenih odluka/zaključaka

No	Tačka dnevnog reda	Zaključak Projektnog Odbora	Eventualni komentari	
1	Upoznavanje građana sa Javnim pozivom UNDP-a	Pozitivno prihvaćena informacija o javnom pozivu UNDP-a od strane građana	Nema	
2	Problemi u lokalnoj zajednici/određivanje prioriternih projekata: fasilitator Foruma je odabrao metodu „Brainstorming“, koja je provedena izuzetno uspješno. Locirani su problemi i određena lista prioriternih projekata.	Izuzetno uspješno provedena metoda Brainstorming	Nema	
3	Razno	Građani su dali veliki doprinos uspješnom održavanju Foruma putem svojih ideja.	Locirani potencijalni projekti za razvoj naše lokalne zajednice od strane građana. Koncept ovakvog načina razmjene ideja građana je izuzetno dobro prihvaćen. Zadovoljstvo što naša lokalna zajednica ima mogućnost da učestvuje u ovakvom projektu.	

## Detaljan zapisnik

U uvodnom dijelu Foruma, prisutnima se obratio predsjednik mjesne zajednice "Ilička" Brčko distrikta BiH, gospodin Damjan Dundžić, koji je ujedno i koordinator Foruma. On je pozdravio prisutne građane na Forumu, kao i šefa Odjeljenja za stručne i administrativne poslove, gospodina Srđana Blažića, predstavnike Pododjeljenja za podršku MZ, NVO i UG, gđu Anicu Radić Savić, šeficu pododjeljenja, Srđana Kisića, Dejana Joveljića i Nebojšu Jokića, koji su bili ujedno i predstavnici Vlade Brčko distrikta (JLS), na ovom Forumu i svojevrsna podrška u organizaciji istog, odnosno koji su bili pozvani od strane građana da prisustvuju Forumu.

Forumu su prisustvovali i predstavnici susjedne MZ Grčica na čelu sa predsjednikom Vedranom Jovičićem, kao i predstavnici više udruženja i sportskih kolektiva među kojima su između ostalih UG "Demos", UG "Omladinski Pogon", UG "Ljubitelji prirode" kao i predstavnici FK "Ilička 01" koji djeluju u pomenutoj MZ.

Predsjednik je objasnio razloge sazivanja Foruma, istakao da je svaki doprinos razvoju JLS i ovog naselja dragocjen te da organizuje Forum kako bi se i građani informisali i eventualno svojim idejama doprinijeli da Brčko distrikt učestvuje u projektu. Prisutnima je objasnio novi koncept realizacije Foruma građana, a na osnovu metodologije dobijene kroz projekat "Jačanje uloge mjesnih zajednica u BiH" u sklopu UNDP.

Utvrđen je broj prisustnih građana na Forumu, što je kasnije i evidentirano na formi „Lista učesnika“ sa potpisima. Fasilitator Foruma je na sugestiju koordinatora, konstatovao da je Forumu pristupilo oko 30% žena, i oko 70% muškaraca, što je u skladu sa onim što je očekivano.

Skupu se obratio i Srđan Blažić, šef Odjeljenja za stručne i administrativne poslove, kao predstavnik JLS, pozdravivši prisutne izrazio je podršku Brčko distrikta BiH ovakvim aktivnostima. Istaknuto je učešće Brčko distrikta BiH u projektu UNDP-a „Jačanje uloge mjesnih zajednica u BiH“ sa sufinansiranjem od minimalno 30% što će biti kasnije definisano u pismu namjere gradonačelnika Brčko distrikta. Pododjeljenje za podršku MZ, NVO i UG će stajati na raspolaganju građanima u procesu kandidovanja i pisanja projekta, te dati svoj doprinos u prikupljanju eventualne potrebne dokumentacije vezane za apliciranje.

### AD1

Nakon uvodnih obraćanja, prisutne je pozdravio i gospodin Srđan Kisić, viši stručni saradnik za Omladinski centar, koji je nakon toga u skladu sa prvom tačkom dnevnog reda upoznao prisutne građane detaljnije o Javnom pozivu UNDP-a, informisao ih da su vlade Švajcarske i Švedske izdvojile novac za ovaj projekat, koji provodi UNDP. Takođe, istakao je i da je predviđeno da se potencijalni projekat koji prođe finansira na način da UNDP izdvaja 70% sredstava dok jedinica lokalne samouprave izdvaja 30% vrijednosti projekta a za učešće u projektu, gradonačelnik Brčko distrikta bi trebao potpisati pismo namjere. Pomenuo je takođe da su se građani već ranije mogli o svemu ovome informisati i putem zvanične stranice Vlade Brčko distrikta, gdje je postavljen poziv na Forum građana kao i rezime javnog poziva.

## **AD2**

Dejan Joveljić, viši stručni saradnik u Pododjeljenju za ljudske resurse u Vladi Brčko distrikta je nakon prve tačke dnevnog reda, takođe uzeo aktivno učešće u Forumu. Pozdravio je prisutne pomenuvši istovremeno i mnoge prednosti ovog Javnog poziva. Zbog prethodnog iskustva u pisanju projekata, organizaciji sličnih zborova i sl., predložio je fasilitatoru da metoda na Forumu bude na principu iznošenja ideja (brainstorming), koja je prihvaćena.

## **AD3**

Nakon uspješno realizovane metode na principu iznošenja ideja (brainstorming), građani su dali doprinos Forumu svojim komentarima da im je lakše sada posmatrati cijelu lokalnu zajednicu kada imaju većinu lociranih problema na jednom mjestu.

Ova metoda je bila odlična uvertira fasilitatoru Forumu da se građani izjasne o oblastima razvoja od značaja , a to su:

- Infrastruktura
- sport
- nacionalne manjine
- socijalna uključenost

Treba napomenuti da je fasilitator Forumu sa kofasilitatorima i ostalim osobljem iz Forumu izuzetno upješno izvršio pripremu za Forum, postavljanjem panoa na kojima je ispisao gore pomenute oblasti, tako da je građanima bio olakšan i pojednostavljen način iznošenja projektnih ideja i markiranje istih.

Nakon što su građani evidentirali probleme, javljali su se za riječ i iznosili svoje projektne prijedloge, koji su uredno zapisivani na panoima. Kada su iznijeli sve svoje prijedloge i više se niko nije javljao za riječ, pristupilo se bodovanju projektnih prijedloga na način da je svaki prisutni građanin imao na raspolaganju po tri boda koja je mogao rasporediti prema sopstvenom nahođenju bilo kojoj projektnoj ideji ili više projektnih ideja. Dakle, mogao je ideje bodovati na način da sva tri boda dodijeli jednoj ideji koja mu se dopada, ili po principu "2+1" i "1+1+1".

Pregled predloženih i bodovanih projekata građana po oblastima:

### **INFRASTRUKTURA**

- Rekonstrukcija dijela ulice Safeta Pašalića u MZ Grčica (13)

### **SPORT**

- Postavljanje vještačke trave na fudbalsko igralište u MZ Ilička (98)
- Postavljanje tartan podloge na košarkaški teren u MZ Ilička (12)

## SOCIJALNA UKLJUČENOST


Ukupno 3 projektne ideje su predložene na ovom Forumu.

Fasilitator Foruma je izvršio uz pomoć građana klasifikovanje predloženih i bodovanih projekata, odnosno projekata koje bi građani željeli da se implementiraju u našoj lokalnoj zajednici. Najveću podršku je dobila projektna ideja koja se odnosi na nabavku vještačke trave na postojećem igralištu koje se nalazi u MZ „Ilička“, iz razloga što na obližnjem travnatom igralištu svakodnevno igra fudbal veliki broj mališana i egzistira škola fudbala FK „Ilička 01“ koja broji preko 200 mališana uzrasta od 7 do 14 godina. Travnato igralište je u jako lošem stanju zbog svakodnevne eksploatacije. Kada su vremenski uslovi nepovoljni jedino je moguće obustaviti korištenje. Nabavkom vještačke trave na betonskom igralištu taj bi se problem prevazišao i produžila bi se sezona na skoro cijelu godinu bez obzira na padavine.

Forum građana proveden je u skladu sa metodologijom vođenja diskusija/panela/sesija/foruma.

Naša lokalna zajednica će, nakon potpisivanja pisma namjere za učestvovanje u ovom projektu od strane gradonačelnika Brčko distrikta, popuniti projektne obrasce i kandidovati ovaj projekat koji je dobio najviše bodova od strane građana Brčko distrikta koji su učestvovali na Forumu.

Fasilitator:



---

Zapisnik vodio, Koordinator Foruma građana:



---